

SCRIPT OF MORNING GOJRI NEWS BULLETIN 27MAY 2025 1015HRS

مارننگ گو جری نیوز بلیٹن مورخہ 27 مئی 2025

یوہ آکا شوانی جموں ہے محبوب سلطان تیں خبر سٹو۔

LG RASHIMARTHI

بھارتی مسلح افواج کا بہادر سپاہیاں کی جدت سے بہادری نانہہ سلام پیش کرتا مانہہ لیفٹیننٹ گورنر منوج سنہا نے کہیو ہے جے بھارت نے پاکستان نانہہ آپریشن سندھور گے زریعے اک سخت پیغام دین تے فیصلہ کُن کاروائی تو واضع کر دتو ہے جے اگر پاکستان اپنی زمین ور دہشت گرداں کی پرورش جاری رکھے گو تے مہاری فوج اس کی زمین گا چپہ چپہ ور حملہ کرن تے اس گا مکمل وجود نانہہ زمین گا نقشہ تو مٹایو جان کی صلاحیت رکھے لیفٹیننٹ گورنر نے اس گل گو اظہار پچھلے تہاڑے جموں یونیورسٹی مانہہ منعقدہ راشٹر اکوی رادمماری سنگھ دنکر کی مشہور نظم رشمی رتھی گا تھیٹر ڈرام گے دوران خطاب گے دوران کیو۔ اپنا خطاب بندی ادب بھارتی قوم پرستی تے سماج مانہہ دتی گئی ہے لوٹ خدمات نانہہ وی یاد کیو۔

CM PLANNING MEETS

وزیر اعلیٰ عمر عبداللہ نے پچھلے تہاڑے سول سیکرٹریٹ سرینگر مانہہ منصوبہ بندی ترقیات تے نگرانی محکمہ کی اک جائزہ میٹنگ کی صدارت کرتا مانہہ کہیو جے ہم نانہہ ہون ضلع سطح ور حذف مقرر کرن کی ضرورت ہے جیہڑو ڈیٹا تجربہ ور مینی ہونگے نال نال ہر علاقہ کی مخصوص ضرورت تے صلاحیت مطابق وے اس میٹنگ گے دوران ترا اہم پہل ور تفصیلی لوکھلی گئی جن مانہہ پایدار ترقیاتی ہدف بارے کارڈینیشن مرکز ضلع گھریلو پیداوار ضلعی بہتر انتظامیان انڈیکس شامل ہے۔ اس دوران میٹنگ سنگ خطاب کرتا مانہہ وزیر اعلیٰ نے اس گل کی ضرورت ور زور پاتا مانہہ کہیو جے ہم نانہہ ہون ضلع سطحی منصوبہ گا ہدف واسطے صلاحیت کی پہچان تے کمی نانہہ دور کرنو چاہیے انہاں نے کہی وجے یہ نکا نکا ہدف ہم نانہہ 2047 توڑی وکست جموں کشمیر غا طویل مدتی ہدف آلیے پاسے رہنمائی کرے گا واضع رہ جے اس میٹنگ مانہہ چیف سیکرٹری اٹل ٹلو تے دیگر سنئیر افسر وی موجود تھا۔

ADD

بھارت کی طرفوں پوری دنیا مانہہ پاکستان کی دہشت گردی کی حمایت نانہہ بے نقاب کرن گو سلسلو جاری ہے جس مانہہ بکھ بکھ سیاسی جماعتاں ور مشتمل وفود بکھ بکھ ملکاں گو دورو کرگے نوی دہلی گا دہشت گردی گے خلاف بلکل وی برداشت نہکرن گا پیغام نانہہ عام کر رہیا ہیں بی جے پی گاممبر پارلیمنٹ روی شنکر پرساد جیہڑا فرانس جان آلی آل پارٹی وفد کی قیادت کر رہیا ہیں نے کہیو ہے جے بھارت دہشت گردی غے خلاف اک جٹ ہے تے یوہ پیغام ہم دنیا نانہہ دینو چاہویں بی جے پی گا ممبر پارلیمنٹ تیجسوی سوریا جیہڑا کانگریس گا ممبر پارلیمنٹ ششی تھرور کی قیادت مانہہ گیانہ گا دورہ ور موجود آل پارٹی وفد گا حصہ ہیں نے گویانہ کی قومی اسمبلی گا سپیکر گے سامنے پاکستان کی دہشت گردی متعلق حقیقت باندے آئی۔ اس سلسلہ مانہہ بی جے پی گا ممبر پارلیمنٹ بھاجینت پانڈے نے کویت جان آلی آل پارٹی وفد کی قیادت کرگے جدکہ جے ڈی یو گا ممبر پارلیمنٹ سنجے جھا کی سربراہی مانہہ جنوبی کوریا جان آلا وفد نے بھارت گا دہشت گردی خلاف مضبوط موافق نانہہ آجاگر کیو۔

DY CM MEETING

نائب وزیر اعلیٰ سریندر چوہدری نے پچھلے تہاڑے سول سیکرٹریٹ سرینگر مانہہ ایک اعلیٰ سطحی جائزہ میٹنگ کی صدارت کی جس غو مقصد جموں کشمیر اسٹارٹ اپ پالیسی 2024 تے 2027 ور ہوائی پیش رفت گو جائزو لیو۔ اس دوران بولتا مانہہ نائب وزیر اعلیٰ نے اس گل ور زور پایو جے اس پالیسی گا رہنمائی اصولاں تے رقم کی فراہمی کا طریقہ کار نانہہ ترجیحی بنیاداں ور پورو کیو جے تانجے جموں کشمیرکا نوجوان اس توں فائدو چا سکیں اس دوران انہاں نے افسراں نانہہ ہدایت جاری کرتا مانہہ کہیو جے قابل اعتماد قومی تے بین القوامی اداراں سنگ اشتراک کیو جے تانجے سٹارٹ اپ کی رہنمائی تے ترقی مانہہ مدد مل سکے جناب سریندر چوہدری نے سکولاں تے کالجاں مانہہ زمینی سطح ور بیداری پروگرام منعقد کرنبارے

وی کیو تانجے آن آلا نوجوان کاروباری افراد کی رہنمائی ہوسکے۔ انہاں نے ہدایت جاری کرنا مانہہ کہیو جے جموں کشمیر کاروباری ترقیات اداراں یعنی بامپور گا جے کے ای ڈی آئی تے بڑی براہمنہ کیمپس نانہہ اہل سٹارٹ اپس واسطے دستیاب کراوے تانجے شروعاتی دور گا کاروباری افراد نانہہ مالی مدد دتی جاسکے۔

DC JAMMU SANY

ڈپٹی کمشنر جموں سچن کمار ویشیا نے پچھلے تہاڑے اک تفصیلی میٹنگ کی صدارت کر گے آن آلی شری امرناتھ یاترا 2025 کی تیاریاں گو جازو لیو اس میٹنگ گو مقصد تمام محکماں تے ایجنسیاں بشکار موثر ہم آہنگی نانہہ یقینی بنائو تھو، تانجے اس سالانہ یاترا نانہہ بہتر طریقہ سنگ ممکن بنایو جاسکے اس دوران اہم معملات بشمول حفاظت گڈیاں کی مینیجمنٹ یاتریاں واسطے رہن آلی جگہ یاترا گا اندراج کی سہولت صفائی ستھرائی بارے گل بات کی گئی اس دوران ڈپٹی کمشنر نے منصوبہ بندی تے تمام انتظامات نانہہ ویلے سر پورو کرن ور زور پایو تانجے تمام ضروری قدم مقررری ضابطاں غے مطابق کیا جیں۔

POONCH TT

بھارت نے پاکستان بشکار حالی جنگ بندی معاہدہ توں بعد مثبت پیش رفت گے تحت ضلع نوجوان تے خدمات محکمہ نے پچھلے تہاڑے پونچھ مانہہ ضلع سطح ٹینس ٹیبل مقابلہ تے ٹرائل گو انعقاد کیو اس طرح کی قیادت سرحدی ضلع مانہہ کھیداں غی سرگرمیاں کی خوش آئند بحالی کی علامت ہے اس سلسلہ مانہہ حکام غے مطابق پونچھ گا بکھ بکھ علاقہ تون 30 نوجوان کھیڈاریاں ان ٹرائل مانہہ حصو لے رہیا ہیں جس گو مقصد بین الاضلاع معنی مقابلان مانہہ بہترین کھلاڑیاں نانہہ چننو ہے۔

ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی گوپینل بنان خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن

آلا ایسا امیدوار درخواست دے سکیں گا جہیڑا ضلع کٹھوعہ گا بسنیک وین تے اُن غی عمر غی حد 24 براں تیں براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ 50 مانہہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔

اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے ضلع صدر دفتر

کٹھوعہ یا اس تیں 10 کلو میٹر غا دائرہ غے اندر رہا ش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنجترتھی جموں مانہہ بڑا خود آئندہ ور دستیاب ہے۔ www.newsonair.gov.in جون توڑی دے سکیں۔ اس بارے مزید جانکاری ویب سائٹ 15
